

T5236.05/4462

57

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 20 1940

寒林英華卷第二百六十一

詩一百十一

寄贈十五

周賀二十一首

溫庭筠二十四首

杜牧十八首

許渾十八首

曹汾一首

寄寧海李明府

周賀

山縣風光異一作公門石水清一作官居外府幾裁別一作

東京故苑梅天發一作新詩雪夜成家會一作成選將詩憶

歸耕抱疾窮一作在書義添心得微情一作空送客一作解

劍一作古神人一作在傳一作守月通一作宵坐一作在剎路一作

行從來知愛道何原白髮生

英華卷第二百六十一

詩一百十一

寄贈十五

周賀二十一首

溫庭筠二十四首

杜牧十八首

許渾十八首

曹汾一首

寄寧海李明府

周賀

山縣風光異

一作美

公門石水清

一作官居外府幾載別日到

東京故疾梅天發新詩雪夜成家貧希

一作思

減選時靜憶

歸耕抱疾窮

一作把

書義澄心得微情夢靈邀客

一作韶

解

劍鏡

一作鏡

古棟人

一作覓

呈守月通

一作閑

宵坐尋花迴路

一作傍

行從來知愛道何慮白髮生

哈佛大學哈佛葉宗圖書館珍藏印

投江州張郎中

前人

要地無

集作多

閑日仍容

集作容仍

冒謁頗借

集作買

山年涉閨寢

郡月瑜旬驛徑曾衝雪公泉省滌塵隨行溪路細接話草

堂新減藥痊餘

一作全除

癖飛書問苦

集作苦問

貧噪蟬離宿

集作拋壤

殷吟客寄秋身鍊句盈箱篋懸圖視蜀閩靜居

集作使君

匡阜

近終作社中人

出關寄賈島

一作送客

前人

舊鄉無子孫誰共老青門迢迢早秋路別離深夜村伊流

偕遠客岳響答啼

集作清

猿去後期招隱何當復此言

北詩二百七十九卷重出今已削去

贈胡僧

前人

瘦形無血色草履着行穿閑話似持呪不眠同坐禪

來漢地袒膊過冬天情性人難會遊方應信緣

贈然上人

前人

竹逕瓶水新深稱北窓人講罷見黃葉詩成尋舊隣錫陰

迷

集作連

坐石池影露齋身苦作南行

集作遊

約勞生始問津

春日山居寄友人

前人

春居無俗喧時立澗門前路遠少來客山深多過猿帶

倚巖松色老臨水杏花繁除憶文留役

集作外

何人更可言

贈朱慶餘校書

前人

風泉盡

一作夜

結冰寒夢入

一作入

徹西陵越信楚城得遠懷中

夜興樹停沙島鶴茶會石橋僧寺閣連官舍行吟過

一作到

幾層

贈緱氏集作山李明府

前人

貴邑清風滿惟集作誰通上宰心杉松出郭部集作杉檉出外部雨

電下嵩陰度鴈方當壘來僧始到岑西池月色迥集作孤月色

會接一宵吟

寄杭州姚合郎中

前人

轉海移集作轉刺來山郡連年別省曹分題得客集作惠少着價

買書高暮集作晚柳蟬和角寒城燭照濤鄱陽集作溪卧疾久

集作者未暇集作不及從乘艘

寄朱餘慶已見二百三十一卷

前人

贈李主簿

前人

稅特兼主印每日得閑稀對客放科吏為官亦典衣業遲吟坐待宅近步行歸見說論詩道應愁斷是非

贈厲玄侍御

前人

山松徑與瀑泉通巾烏行吟想越中塞鴈去經華頂末鄉僧來自海濤東關分河漢秋鍾絕露滴彌猴夜岳空抱疾因尋周往史杜陵寒葉落無窮

贈姚合郎中

前人

望重來為守土臣清高還似武公貧道從會解惟求靜詩造玄微不趁新玉帛定知難撓思雲泉終是得關身兩衙向後無餘事門館多逢請益人

晚秋江館書事寄姚郎中

前人

病寄西州居帶城倚門孤柳一蟬鳴澄江月上見魚擲荒  
逕葉乾聞犬行越鳥夜無侵閣色寺鍾寒有隔源聲故園  
賣卜休歸去湖水秋來空自平

上陝府姚中丞

前人

此心長愛狎禽魚仍候登封獨著書領郡只嫌生藥少在  
官長恨與山踈成家盡是經綸後得句應多諫諍餘見說  
養真求退靜溪南泉石許同居

贈道人

前人

布褐高眠石竇春迸泉多濺黑紗巾搖頭說易當朝秀落  
手圍碁對俗人自筭天年窮甲子誰同雨夜守庚申擬當  
太華何時去他日相尋乞藥銀

守韓司兵

前人

多病十年無舊識滄洲戰後始逢君已知罷秩辭瀧水相  
勸移家近岳雲泗上旅郵侵疊浪雪中歸路踏荒墳若爲  
此別終期老書札何曾寄北軍

夏日寺居寄楊侍御

前人

雨過北一作碧林空晚景院閑人去掩斜陽十年多一作苦病  
度寒一作落葉萬里亂愁生夜牀終欲反耕甘性拙多一作夕  
慙他一作多事與身忙還一作遙知謝客名先重肯爲詩篇問

一作楚狂

寄金陵僧

前人

水石致身閑自得平雲竹閣少炎蒸齋牀幾減供禽食禪

徑寒通照像燈瓦句當秋山落葉臨書近臘硯生水行登  
搃到諸餘寺坐聽蟬聲滿耳頻

寄長孫中丞

前人

潯陽却到是何日此地今無舊使君長憶窮冬宿廬岳瀑  
泉冰折共僧聞

寄潘緯

前人

楊柳垂絲與地連歸來一醉向溪邊相逢頭白莫惆悵世  
上無人長少年

寄山中人

溫庭筠

月中一雙鶴石上千尺松素琴入爽籟山酒和春容幽瀑  
有時斷片雲無所從何事蘇門生攜手東南峯

旅泊新津欲寄一二知己

前人

維舟息行役霄景近江村併起別離恨思聞歌吹喧高林  
月初上遠水霧猶昏王粲平生感登臨幾斷魂

初秋寄友人

前人

閑夢正悠悠涼風生竹樓夜琴如欲雨曉簟覺新秋獨鳥  
楚山遠一蟬關樹愁憑將離別恨江水問同一作東遊

贈僧雲棲

前人

塵尾與筇杖幾年離石壇梵餘林雪厚碁罷岳鍾殘開卷  
喜先悟漱瓶知早寒衡陽寺前鴈今日到長安

雪夜與友生同宿曉寄近隣

已見一百五十四卷

鄠郊外墅寄所知

前人

持願望平綠萬景集所思南塘過新雨百草生容姿幽鳥  
不相識美人何可期徒然委搖蕩惆悵春風時

贈盧郎中

前人

白首方辭滿荆扉對渚田雪中無陋巷醉後似當年一笈  
負山藥兩瓶携澗泉夜來風浪起何處任漁船

贈盧長史

前人

移病欲成隱扁舟歸舊居地深心事少官散故交踈道直  
更無侶家貧惟有書東門煙水夢非獨爲鱸魚

寄渚宮遺民弘里生

前人

柳弱湖堤曲籬踈水巷深酒闌初促席歌罷欲分襟波月  
欺華燭江雲潤故琴鏡閑花共葉牀冷簟連心荷豐平橋

晴萍稀敗舫沉城頭五更鼓窗外萬家砧異縣雨投浪當  
年鳥共林八行香未滅千里嘆難尋未肯睽良顧空期嗣  
好音他時詠懷作猶得並南金

春日將欲東歸寄新及第苗紳先輩

一作下第  
寄司馬札

前人

幾年辛苦與君同得喪悲歡盡是空猶喜故人先折桂自  
憐羈客尚飄蓬三春月照千山路集作十日花開一夜風

知有杏園無路一作計入馬前惆悵滿枝紅

贈李將軍

前人

誰言荀一集羨愛功勳年少登壇衆所聞曾以能書稱內  
史又因明易號將軍金溝故事春長在玉軸遺圖火集作文華



半焚不學龍驤畫山色集作水醉鄉無迹似閑雲

寄盧生  
前人

遺業荒涼近故都門前堤路枕平湖綠楊陰裏千家月紅藕香中萬點珠此地別來雙鬢改幾時歸去片帆孤他年猶擬金貂換寄與黃公舊酒壚

贈袁司錄即丞相淮陽公之猶子與庭筠有舊也前人

一朝辭滿有心期花發楊園雪覆一作壓枝劉尹故人諳往事謝郎諸弟得新知金釵醉就胡姬盡玉管閑留洛客吹記得襄陽耆舊語不堪風景峴山碑

寄清凉寺僧已見二百三十三卷

贈蜀將蠻人咸都頗著勳勞見三百卷邊將門

春暮宴罷寄宋壽先輩  
前人

斜掩朱門花外鍾曉鶯時節好相逢窻間桃葉集作蒹宿粧

在雨後牡丹春睡濃蘇小風姿迷下蔡馬卿才調似臨邛

誰憐芳草連集作生三徑參佐橋西陸士龍

寄岳州李外郎遠一作肱

含嚙不語坐楮頤天近樓高宋玉悲湖上殘碁人散後岳陽微雨烏來遲早梅猶得回歌扇春水還應理釣絲獨一作

唯一作宏有袁安一作正憔悴一罇惆悵落花時

投集作上翰林蕭舍人

人間鴛鴦香難從猶恨集作恨金扉直幾集作九重萬象曉集作

晚歸仁壽鏡百花春滿集作隔景陽鍾紫微芒動詞初出紅

臘香殘詔未封每過朱門愛庭樹一枝何日許從容

秋日旅舍寄義山李侍御

一水悠悠隔渭城渭城風物近柴荆寒蛩乍響催機杼旅  
鴈初來憶弟兄自為林泉牽曉夢不關砧杵報秋聲子虛  
何處堪消渴試向文園問長卿

却歸集作商山寄惜同行友人 前人

曾讀逍遙第一篇爾來何事集作不恬然便同南郭能忘

象兼笑東林學坐禪人事轉新花爛熳驛集作程依舊水

潺湲若教猶作當時意應有垂絲在鬢邊

遊南塘寄王知白 前人

白鳥梳翎立岸莎藻花菱刺泛微波煙光似帶侵垂柳露

點如珠落點荷楚水晚涼催客早杜陵秋思傍蟬多劉公  
不信歸心切聽取江樓一曲歌

晚坐寄友人 前人

九枝燈在璿窓空希逸無聊恨不同曉夢未離金夾昧早  
寒先到石屏風遺簪可惜三秋白蠟燭猶殘一寸紅應卷  
鮫簾看浩齒鏡中惆悵見梧桐

西江寄友人集作賈生 前人

碧天集作晴江如鏡月如鈎泛灩荅茫迷客愁夜淚潛生竹枝

曲春灘遙聽集作木蘭舟事隨雲去身難到夢逐煙銷水

自流昨日歡娛竟何事集作一枝梅謝楚江頭

寄河南杜少府集作 前人

十歲集作歸來鬢未彫玳簪珠履見常僚豈關名利分榮

路自有才華作慶霄鳥影不飛集作經上苑騎聲相續過

中橋夕陽亭下集作山如畫應念田歌正寂寥

許七侍御棄官東歸消洒江南頗聞自適高秋企

望題詩寄贈十韻 杜牧

天子繡衣吏東吳美退居有園同庾信避事學相如蘭畹

晴香嫩筠溪翠影踈江上九秋後風月六朝餘錦肆開詩

軸青囊結道書霜巖紅薜荔露沼白芙蓉睡雨高梧密暮

燈小閣虛凍醪元亮林寒膾季鷹魚座意迷今古雲情識

卷舒他年雪中棹陽羨訪吾廬於義興縣近有水榭

除官行至昭應聞友人出官因寄 前人

賦子行集作千里明公去一麾不能揮集作涕淚豈獨感

恩知草木窮秋集作後山川落照時如何望故國驅馬却

遲遲

江上雨寄崔碣已見一百五十三卷 前人

贈張枯 前人

詩韻一逢君平生稱所聞粉毫惟畫月瓊尺只裁雲黥陣

人人懾秋霜集作歷歷分數篇留別我羞殺李將軍

寄張枯已見三百三卷 前人

寄李起居四韻 前人

楚女梅簪白雪姿前溪碧水凍一作醪時雲壘心亞知難

捧鳳管簧寒百受吹南國劔眸能盼眇侍臣香袖愛傲垂

自憐窮律窮途客正劫孤燈一局碁

李給事

前人

一草絨拜阜囊封集作中慄慄集作慄慄朝廷有古風元禮去歸

綸氏學李膺退罷歸綸氏教授生徒江充來見大臺空注鄭

對於浴紛紛白晝驚千古鐵鎖朱殷幾一空曲突徙薪人

不會海邊今作釣魚翁

李膺事載後漢本傳今杜集誤作緱氏

寄宣州鄭諫議

前人

大夫官重鎮江東蕭洒名儒振古風文石階集作階前辭聖

主碧雲天外作冥鴻五言寧謝顏光祿百歲須齊衛武公

再拜宜為集作同丈人行過庭交分有無同

豫章中丞業深韜畧志在功名再拜集作奉長句

有詔勸

前人

檣似鄱林江泊天越香巴錦萬千千滕王閣上柘枝鼓徐

孺亭前鐵軸船八郡元侯非不貴萬人師長豈無權要君

一作知嚴重踈歡樂猶有河湟可下鞭時叔河湟

初春雨中舟次和州裴使君見迎李趙秀才同來

因書四韻兼寄許渾

前人

芳草渡頭微雨時萬株楊柳拂波垂蒲根水煖鴈初浴梅

徑香寒蜂一作蝶未知詞客倚風吟暗澹使君迴馬濕旌旗

江南仲蔚多情調悵望春陰幾首詩

途中寄友人

前人

六富

道傍高木盡依依落葉驚風處處飛未到鄉關聞早鴈獨  
於客路受寒衣煙霞舊想長相阻書劔投人久不歸何日  
一名隨事了與君同採碧溪薇

贈李處士長句四韻

前人

玉函怪牒鎖靈篆紫洞香風吹碧桃老翁四百瓜牙利擲  
史萬里精神高靄靄祥雲隨步武纍纍秋塚嘆蓬蒿三山  
朝去應非久姪女當窓織羽袍

贈李秀才是上公孫子

前人

骨清年少眼如冰鳳羽參差五色層天上麒麟時一下人  
間不獨有徐陵

寄揚州韓綽判官

前人

青山隱隱水遙遙秋盡江南岸草

集作草木

凋二十四橋明月

夜美

集作玉

人何處坐

集作教

吹簫

冬至日寄小姪阿宜

前人

小姪名阿宜未得三尺長頭圓筋骨緊兩臉明且光去年  
學官人竹馬遶四廊指揮羣兒輩意氣何堅剛今年始讀  
書下口三五行隨兄旦夕去歛手整衣裳去歲冬至日拜  
我立我傍祝爾願爾貴仍且壽命長今年我江外今日生  
一陽憶爾不可見祝爾傾一觴陽德比君子初生甚微茫  
排陰出九地萬物隨開張一似小兒學日就復月將勤勤  
不自已二十能文章仕宦至公相致君作堯湯我家公相  
家劔珮常叮當舊第開朱門長安城中無一物萬

卷書滿堂家集二百編

一作三百篇

上下馳皇王多是撫州寫

今來五紀強尚可與爾讀助爾為賢良經書刮根本史書  
閱興亡高摘屈宋艷濃薰班馬香李杜泛浩浩韓柳摩蒼  
蒼近者四君子與古爭強梁願爾一祝後讀書日日忙一  
日讀十紙一月讀一箱朝廷用文治大開官職場願爾出  
門去取官如驅羊吾兄苦好古學問不可量晝居府中治  
夜歸書滿牀後貴有金玉必不為爾藏崔昭生崔芸李蕪  
生窟即惟錢一百屋破散何披猖今雖未即死餓凍幾欲  
僵參軍與縣尉塵土驚動勅一語不中治笞箠身滿瘡官  
罷得絲髮好買百榭桑稅錢未踰足得米不敢嘗願爾聞  
我語歡喜入心腸大明帝宮闕杜曲我池塘我若自潦倒  
看汝爭翺翔揔語諸小道此詩不可忘

赴京初入汴口曉景即事先寄兵部李郎中

前人

清淮控隋漕北走長安道檣形櫛櫛斜浪態迤迤徒何好反  
初旭紅可染明河淡如掃澤闕鳥來遲村饑人語早露蔓  
蟲絲多風蒲燕鷁老秋思高蕭蕭客愁長裊裊因懷京洛  
間官遊何戚草什伍持津梁瀕湧爭追討翺便詎可尋幾  
祕安能考小人乏馨香上下將何一作祠禱唯有君子心顯  
豁知幽抱

題安州浮雲寺樓寄湖州張郎中

已見三百十三卷

前人

贈宣州元處士已見三百三十一卷

前人

寄題南山集作商洛王隱居

許渾

近逢商洛客知爾住南塘草閣平春水柴門掩夕陽隨蜂  
收野蜜尋麝採生香更憶前年醉松花浦石床

留贈偃師主人

孤城漏未殘徒侶拂征鞍洛北去愁遠淮南歸夢闌曉燈  
回壁暗晴雪卷簾寒強集作更盡主人酒出門行路難

贈梁將軍

前人

曾經黑山虜一劔出重圍四年長窮書意時清隱戰機集作鈞磯

高僧集作齋雲外住瘦馬月中歸唯說鄉心苦春風鴈北飛

贈柳璟陶馮二校書

前人

霄漢兩飛鳴喧喧滿集作動禁城桂堂同日盛芸閣隔年榮

香掩蕙蘭氣韻高鸞鶴聲應憐茂陵客未有子虛名

寄友人集作寄表校書

前人

新歲集作貧居樂游北江海思迢迢雪夜書千卷花時酒一瓢

獨吟集作愁秦樹老孤夢楚山遙有路應相念風塵滿黑貂

將歸茅山兼寄李叢時兩河用兵集作開兩河用兵因貽友人

前人

故人日已遠身事與誰論氣直集作排拙難趨世心孤易感恩

晨歌集作秋悲憐宋玉夜舞笑劉琨從此歸山去無因更出門

集作徒有千時策青山高掩門

長興里夏日寄南陵避暑

前人

侯家大道傍蟬噪樹蒼蒼開鎖洞門遠下簾高館涼欄圍  
紅藥盛架引綠蘿長末日一歌枕故山雲水鄉

舟行早發廬陵郡郭寄滕郎中 前人

楚客亭橈太守西集作知露凝卅葉自愁集作秋悲蟹螯只恐

相如渴鱸膾應防曼倩饑風卷曙雲飄角遠雨昏寒浪挂

帆遲離心可羨高齋夢集作夕巫峽花深醉玉卮

京口閑居寄兩都親友集作京洛友人 前人

吳門煙月昔同遊梧葉蘆花並客舟聚散有期雲北去浮

沉無計水東流一樽酒盡青山暮千里帆集作書回碧樹秋

何處相思不相見鳳城宮闕楚江頭集作樓

郊園秋日寄洛中友人一作親友 前人

楚水西來天際流感時想一作傷別思悠悠一樽酒盡青山

暮千里一作萬書一作春回碧樹秋日落遠波驚一作低宿鴈風

吹輕浪起眠鷗嵩陽親友誰相念一作相問潘岳閑居欲白

頭

此詩第二聯與前篇同未喻

獻鄜坊丘常侍 前人

詔選將軍護北戎身騎白馬臂彤弓柳營遠識金貂貴榆

塞遙知玉帳雄秋檻鼓鼙驚朔雪曉階旗燾起邊風蓬萊

每望平安火應奏班超定遠功

寄當塗李遠 前人

賦擬相如詩似陶雲陽煙月又同袍車前驥病駑駘逸架



上鷹閑鳥雀高舊日樂貧能飲水他時隨俗願舖糟不須  
倚向青山住詠雪題詩用意勞

寄殷堯藩

前人

十年聞君集作名翰墨林為從知己信浮沉集作沉沉青山有雪

諳松性碧落無雲稱鶴心帶月獨歸蕭寺遠翫花頻醉庾

樓深尋思集作思君一見如瓊樹空把新詩盡日吟

移攝太平寄前李明府

前人

病移巖邑稱閑身集作河幾處風光賞酒頻溪柳遶門彭澤

令野花連洞武陵人嬌歌自駐壺中日集作景艷舞長留海

上春早晚高臺更同醉綠蘿如帳草如茵

春日思舊遊寄南徐從事劉三復 前人

風煖曲江花半開忽思京口共銜盃湘潭雲盡暮山出巴

蜀雪消春水來懷玉尚悲迷楚塞捧金猶羨樂燕臺薊門

高處極歸思隴鴈北飛雙鷺廻

贈河東虞押衙

吳門風水各集作洛萍流月滿花開懶獨遊萬里山川分曉

夢四隣歌管送春秋昔年顧我長青眼今日逢君已集作盡

白頭莫向樽前更惆悵古來投筆盡集作惣封侯

移攝太守

集作陵陽春日

寄汝洛舊遊

前人

百年身世學集作似飄蓬澤國移家疊嶂中萬頃碧波魚戀

釣力重青漢鶴秋籠西池水冷春巖雪南陌花香晚集作曉

樹風縱有芳樽何處集作心不醉故人今集作多在洛城東

寄友人

集作寄  
宋汝鄴

前人

朱檻煙窓集作  
霜夜坐勞美人南國舊同袍山長水遠無消  
息瑤瑟一彈秋月高

望九華寄衡陽杜員外

曹汾

載月早辭三秀館遲明初識九華峯差差玉劍寒鋒利裊  
裊青蓮翠葉重竒狀却疑人畫出嵐光如為客添濃行春  
若到五溪上此處褰帷正面逢

諸本兩卷皆作二百六十一其篇數雖合總目而詩  
多重復或全異者如周賀十二首重者三溫庭筠十  
五首重者五杜牧九首皆不同許渾十四首前卷闕  
其九後卷增其一所贈者許集又無之而總目却有

曹汾一首疑是汾詩今合為一卷去其重複注異同為一  
作

文苑英華卷第二百六十一

文苑英華卷第二百六十二

詩一百十五

寄贈十六

張祜七首

李洞九首

方干二十三首

李白一首

李群玉六首

陳陶十一首

寄朗州徐員外

張祜

江嶺昔飄蓬人間值俊雄關西今孔子城北舊徐公清夜游何處良辰此不同傷心幾年事一半在湖中

贈薛昇臣侍御

前人

一命前途遠雙曹小邑閑夜潮人帶集作到郭春霧鳥啼山

淺瀨橫沙堰高巖峻石班不堪曾倚棹猶復夢升攀

寄盧載

故人盧氏子數載曠佳期少見雙魚信多聞八米詩侏儒  
他甚飽款段爾應羸勿謂今劉二相逢不熟樵

寄靈澈上人

此詩已見二百二十三卷

前人

投常州從兄中丞

前人

扁舟何所往言入善人邦舊愛鵬搏海今聞虎渡江土因  
為政樂儒為說詩降素履冰容靜新詞玉韻縱金魚聊解  
帶畫鷁稍移椿邀妓思集作倪逃席留賓命倒缸吏材誰  
是伍經術世無雙廣廈當宏構洪鍾併待撞成龍湏讓醜  
展驥莫先龐應念宗中末秋螢照一窓

贈淮南將

前人

年少好風情垂鞭毗睚行帶金獅子小裘錦麒麟擗揀匠  
裝銀韜堆錢買鈿箏李陵雖効死時論亦輕生

寄獻蕭相公

前人

東去江干集作是勝遊弄湖興集作望不堪愁謝安近日  
遠朝昔傳說當時允帝求暫向聊城飛一箭長為滄海繫  
扁舟分明此事無人見白首相看未肯休

贈麗鍊師

李洞

家住涪江漢語嬌一聲歌憂玉樓簫睡融春日柔金縷粧  
發秋霞戰翠翹兩臉酒醺紅杏妬半宵酥嫩白雲饒若能  
携手隨仙令皎皎銀河渡鵲橋

述懷二十韻獻覃疑相公

前人

帝夢求良弼生身屬聖明青雲縣器業白日貫忠貞一作精  
霽霽隨春動忻忻共物榮靜宜浮競息坐覺好風生萬國  
聞應躍千門望盡傾瑞含揚柳色氣變管絃聲百辟尋知  
度三階正有程魯儒規蘊藉周誥美和平碧水遺幽抱朱  
絲寄遠情風流秦印綬儀表漢公卿忠讜期登用回邪自  
震驚雲開長劍倚踞絕一峯橫九野方無事滄溟本不爭  
國將身共計心與衆爲城早晚中條下紅塵一顧清南澤  
容伴鶴西笑忽遽驚折樹思難報懷仁命甚輕二年猶困  
辱百口望經營未在英侯選空勞短羽征知音初疑作杜  
國從此免長鳴

感知上刑部鄭侍郎

前人

寄掩白雲司蜀都高卧時隣僧點寒燭宿鳥動秋池帶  
嘉蓮表人吟寶劍詩石渠流月斷畫角截江吹閑出黃金  
勒前飛白鷺鷺公心外國說重望兩朝持淨蘚斜圭影孤  
窓響錫杖興幽松雪見心苦硯冰知緣丈蟲聲切過門馬  
足遲漏殘終卷讀日下大名垂平磧容鵬上仙山許欲窺  
數聯金口出死免愧丘爲

感恩書事上鳳翔舉義司徒相公 前人

積雪峯西遇獎稱半家寒骨起溝塍鎮時賢相回人鏡報  
德慈親點佛燈受鉞已聞諸國靜坐籌重見大河澄功居  
第一圖煙閣依舊終南浦杜陵

上司空員外

前人

禪心高靜似踈慵閑客經過不厭重藤杖幾携量積雪王  
鞭曾把數高峯夜眠古卷疑作當城月秋直清曹入省鍾  
禹鑿故鄉歸未得河聲聒老兩三松

春日寄書事一二知己

浩馬地西一帶泉開門物景似林川朱衣掩竹人歸縣白  
首遺泥鶴上天索米夜燒風折竹無車春養雪藏鞭縉紳  
處士知章句忍使孤窓枕淚眠

廢寺閑居寄懷一二罷省歸郎 前人

貧居廢廟冷吟煙無力爭飛類病蟬槐省老郎家主棄月  
波一作孤客望誰憐稅房兼得調猿石買地仍分浴鶴泉  
處世堪驚又甚愧一陂山色不言錢

贈昭應沈少

行宮接縣判雲泉袍色雖青骨且仙鄂杜憶過梨栗寺瀟  
湘曾棹雪霜天華山僧別留茶鼻渭水人來鎖釣船東送  
西迎終幾考新詩覓得兩三聯

贈高僕射自安西赴闕一作贈功臣 前人

征蠻破虜漢功臣提一作携劍歸來萬里身閑倚凌煙金柱  
看形容惆悵一作消瘦老於真

將謁商州李集作郎中道出楚州獻集作章 中丞

方干

江流盤復直浮棹出家林商洛路猶遠山陽春已深青雲  
應可望白髮未相侵才小知難薦終勞許郭心

贈江南僧

忘機室亦空禪與沃州同唯有半庭竹能生竟日風思山海月上出定印香終繼後傳衣者還須立雪中

贈葉尊師

此詩已見二百二十九卷

前人

寄于少監

前人

脩持精

一作清

苦振家聲衆鳥那知一鷄情躡履三千皆後

學搏風九萬即前程名將日月同時朽身是山河應世一作

數生從此雲泥更懸濶演公

集作漁翁

不合見公鄉

寄李頻

前人

衆木又搖落望君還不還軒車在何處雨雪滿前山思苦文星動鄉遙釣渚閑明年見名姓唯我獨何顏

寄普州賈司倉島

亂山重復疊何處訪先生豈料多才者空垂不第

集作世

名

閑曹猶得醉薄俸亦勝耕莫問吟詩石年年芳草平

中路寄喻龜先輩

求名如未遂白首亦難歸送我罇中

集作前

酒典君身上衣

寒蕪隨楚盡落葉渡淮稀莫笑

集作嘆

干時晚前心豈便飛

暮冬書懷呈友人

空爲梁甫吟誰竟是知音風雪生寒夜鄉園來

疑

舊心滄

江孤棹迥白閣一鍾深君子久忘我此懷甘自沉

東溪別業寄吉州段郎中

此詩已見三百十八卷

前人

獻王大夫

都緣聲價振皇州高卧中條不自由  
早起急徵來鳳闕常陪內宴醉龍樓  
鏘金五字能援筆鈞玉三年信直鈞必恐  
借留應不得集作終越人相顧已生集作先愁

上集作贈處州段郎中

幸見仙才領郡初郡城孤峭似仙居林集作松蘿色裏登臺

閣瀑布聲中閱簿書德重自將天子合情高元與世人踈

寒潭是處深集作清連底賓席何心望食魚

茅山贈高集作洪拾遺

聖代諫臣停諫舌求還集作歸故里傲雲霞溪頭講樹遺一作

纜一作漁艇篋裏朝衣盡集作輸酒家但愛身閑辭祿俸那嫌歲

計在桑麻我來幸與諸生異問答時容近絳紗

上越州楊嚴中丞

連枝棟萼世無雙未秉鴻鈞擁大邦折桂早聞推獨步分  
憂暫輟過重江晴尋鳳沼雲中樹思遶稽山枕上窓試把  
十年辛苦志問津求拜碧油幢

獻王大夫

前人

高情不與俗人知耻學諸生取桂枝荀宋五言行世早巢

由三詔出溪遲大夫佳句云珠箔卷繁星金樽瀉月明行於世操心已在精微域

落筆皆成典誥詞一鷄難成燕雀伍非熊本是帝王師賢

臣雖蘊經邦術明主終無諫獵時莫道百僚憂禮絕蕪聞

七郡怕天移直緣材力頭頭瞻專被文星步步隨不信重

言通造化須臾便可變榮衰



謝王大夫奏表

前人

非唯言下變榮衰大海可傾山可移如剖夜光歸暗室似  
驅春氣入寒枝死灰到底翻騰焰朽骨隨頭却長肥便殺  
微躬復何益生成恩重報無期

處州獻盧員外

前人

纔下輶車即歲豐方知盛德與天通清聲漸出寰瀛外喜  
氣全歸教化中落地遺金終日在經年滯獄當時空直緣  
後學無功業不慮文翁不至公

贈李郢端公

前人

非惟孤峭與飛動集作吟處斯須能變通物外搜羅添一作  
大雅毫端剪削有餘功山川正氣侵靈府雪月清輝引一作  
歸

思風別得人間上昇術丹霄踏在二五言中

贈趙常六韻

集作贈趙崇侍御

前人

貴達合逢明聖日風流又及少年時才因出衆人皆嫉勢  
欲摩霄自不知迢迢集作正早年間苦節從容此日見清規  
却教鸚鵡呼桃葉便遣嬋娟唱竹枝閑話篇章倚燭久醉  
迷歌舞出花遲雲鴻別有回翔便應笑啁噍一作燕雀卑

山中言事八韻寄李支使

前人

豈知經史深相悞兩鬢垂絲百事休受業幾多為弟子成  
名一半作公侯前時射鵠徒拋箭此日求魚未上鈎竹裏  
斷雲來枕上巖邊片月在牀頭過庭急雨和花落遶舍澄  
泉帶葉流緬想遠書聆鵲喜窺尋嘉果覺依偷舊詩改處

空留韻新醞嘗來不滿筭阮瑤如能問寒餒風光當日入  
滄洲

山中言事寄贈蘇判官

前人

寸心似火頻求薦兩鬢如霜始息機隔岸鷄鳴春耨去鄰  
家犬吠夜漁歸倚松長嘯成踈拙拂石歌眠絕是非執爨  
縱曾炊橡實紉針爭鮮補荷衣常憑早月來張燭亦假清  
風為掩扉多是集作謝元瑜憐野賤時迴車馬發光輝

寄台州孫從事百篇登第初授華亭尉 前人

聖代科名酬志業山川秀色助神機梅真入仕提雄筆阮  
瑤從軍着綵衣晝寢不知山雪積春遊應趁集作趣夜潮歸  
相思莫訝音書絕鳥去猶須累日飛

贈孫百篇

前人

御題百首思縱橫半日工夫舉世名羽翼便從吟處出珠  
璣續向筆端生莫嫌黃綬官資少必料青雲道路平才子  
風流復年少無愁高卧不公卿

贈會稽張少府

前人

高節何曾似任官藥苗香潔備常餐一分酒戶添應集作猶  
得五字詩名隱即難笑我無媒成集作生鶴髮如君有夢一作  
意憶漁竿明年莫遣集作便還家去鏡裏雲山且共看

代佳人寄翁參樞先輩

李白

等閑經夏復經寒夢裏驚嗟豈暫安南國風光當世少西  
陵江浪過江難周旋小字挑燈讀重疊遙山隔霧看直是

為君食不得書來莫說更加飡

此詩總目及李集皆不載惟英華諸本有之

長沙春望寄洛陽故人

李群玉

清明前集作別後雨晴時極浦空嘖一望眉湖畔春山煙黯

黯雲中遠樹墨集作黑離離依微水戍聞踈鼓掩映河橋集作

沙見酒旗風煖草長愁似醉行吟無處寄相思

望月寄人集作懷友

前人

浮雲卷盡月臃腫直出滄溟上碧空盈手冰集作水光寒不

濕流天素彩集作影靜無風酒花蕩漾金罇裏棹影飄颻玉

浪中川路正長難可越美人千里思何窮

辱綿州于中丞書信

前人

一絨垂露到雲林中有孫陽念驥心萬木自凋山不動百

川空集作皆旱水集作海長深風標想見瑤臺鶴詩韻如聞詠

水琴他日縱陪池上酌已應難到暝猿吟渴疾漸加酒戶日減

寄長沙許侍御

前人

二集作三年文會許追隨和遍南朝雜體詩未以綵毫遷郭

璞乞留殘錦與丘遲竹齋琴酒歡成夢水寺煙霞相集作賞

對誰今日秋風滿相浦只令集作應搔首詠瓊枝

寄張祐祐亦未面頰寄聲相聞

前人

越水吳山任興行五湖雲月挂高情不遊都邑稱平子只

向江東作步兵昔歲芳聲到童稚老年佳句遍公卿如君

氣力波瀾地留取陰何沈范名

寄友人

野水青山雪後時，獨行村路更相思。無因一句溪橋醉處，  
處寒梅映酒旗。

寄兵部任晚郎中

陳陶

常思劍浦越清塵，萱蔻花紅十二春。崑玉已成廊廟器，澗  
松猶是薜蘿身。雖同橘柚依南土，終媿魁罡近北辰。好向  
昌時薦遺逸，莫教千古吊靈均。

贈江南從事張侍郎

疑作御

前人

平南門館鳳凰毛，二十華軒立最高。幾處談天致雲雨，早  
時文海得鯨鰲。姻聯紫府蕭愬貴，職稱青錢繡服豪。江徽  
無虞才不展，可疑杯終日詠離騷。

贈温州韓使君

前人

康樂風流五百年，永嘉鈴閣又登賢。嚴城鼓動魚驚海，華  
屋樽開月下天。內史筆鋒光案牘，隲陵詩句滿山川。今來  
誰似韓家貴，越絕麾幢鴈影連。

閑居寄太學盧璟博士

前人

無路青冥奪錦袍，耻隨黃雀住蓬蒿。碧雲夢後山風起，珠  
樹詩成海月高。久滯昂書求羽翼，未忘龍闕致波濤。閑來  
長得留侯癖，羅列櫺梨校六韜。

贈漳州張怡使君

前人

舊德徐方天下聞，當年熊軾繼清芬。井田異政光蠻竹，符  
節深恩隔瘴雲。已見嘉祥生北戶，嘗嫌夷貊蠹南薰。幾時

徵拜征西越學着縵胡從使君

贈容南常中丞

普寧都護軍威重九驛梯航壓要津十二銅魚尊畫戟三千犀甲擁朱輪風雲已靜西山寇問井全移上國春不獨來蘇發歌詠天涯半是泣珠人

投贈福建路羅中丞

前人

越艷新謠不厭聽樓船高卧靜南溟未聞建水窺龍劍應喜家山接女星三捷楷模光典策一生封爵笑丹青皇恩幾日西歸去玉樹扶踈正滿庭

贈江南李偕副使

前人

世祿三朝壓鳳池桂陵公子漢庭知雷封始賀棠溪劍花府尋邀玉樹枝幾日坐談誅叛逆列城歸羨見歌詩從軍莫厭千場醉即是金鑿罷命時

賀客府常中丞天府賢兄新除黔南經畧

前人

蓬瀛簪笏舊聯行紫極差池降寵章列國山河分鴈字一門金玉盡龍驤耿家符節朝中美表氏芝蘭閩外香烽戍悠悠限巴越佇聽歌詠兩甘棠

祝疑贈江西周大夫

前人

否極生大賢九元降靈氣獨立正始風蔚然中興瑞淵淪照三古磊落涵涇渭真貌月懸秋雄詞雷出地具瞻先皇寵欲踐東華貴咫尺時不來千秋鼎湖淚因分三輔職進領南平位報政黃霸懸魂兵呂蒙醉歲星臨斗牛水國嘉

祥至不獨蒼生蘇仍兼六騎善恭聞廟堂畧欲斷匈奴臂  
剗釋自宸衷平戍在連帥時康簪笏冗世梗忠良議立壑  
非無人松香有私志三朝倚天劍十萬浮雲騎可使河曲  
清群集作郡公信兒戲滄溟用謙德百谷走童稚禦衆付深  
人參籌須備器他年蓬華賤願附鴛鴦翅

旅次銅山途中先寄温州韓使君 前人

亂山滄海曲中有橫陽道束馬過銅梁茗華坐堪老鳩鳴  
高崖裂熊罴深樹倒絕壑無坤維重林失蒼昊躋攀寡儔  
侶扶接念輿早倪仰慄嵌空無因掇靈草梯疑作窮聞戍  
鼓魂續賴立禱敞豁天地歸縈紆村落好悠悠思蔣徑擾  
擾愧商皓馳想永嘉侯應傷此懷抱

文苑英華卷第二百六十二

文苑英華卷第二百六十三

詩一百七十三

寄贈十七

李商隱二首

薛逢三首

姚鵠十四首

項斯三首

趙嘏二十八首

馬載十一首

及第東歸次灞上却寄同年

李商隱

芳桂當年各一枝行期未分壓春期江魚朔鴈長相憶秦

樹嵩雲自不知不苑經過勞想像東門追集作送餞又差池

灞陵柳色無離恨莫枉長條贈所思

飲席代官妓贈兩從事

前人

新人橋上着春衫舊主江邊側帽簷願得化為紅綬帶許

教雙鳳一時銜

伏聞令公疾愈對見延英因有賀詩遠封投獻

薛逢

吉語云云海外傳令公疾愈起朝天皇風再扇寰區內人  
鏡重開日月邊光啓四門通壽域深疏萬頃漑情田陪臣  
自訝迷津久願識方舟濟巨川

題劍門先寄上西蜀司徒杜 前人

峭壁橫空限一隅劃開元氣建洪樞梯航百貨通邦計鍵  
閉諸蠻屏帝都西威大戎威北狄南吞荆郢制東吳千年  
管鑰誰鎔範只自先天造化爐

北亭醉後叙舊贈東川陳書記 前人

二十年前事盡空半隨波勢半隨風謀身喜斷韓鷄尾屢  
命羞携楚鶴籠符竹謬分錦水外妻孥猶隔散關東臨岐  
莫恠朱紘絕曾是君家入爨桐

塞外寄張侍御 姚鵠

千里入黃雲羈愁日日新踈鍾關路曉遠雨寒山春南眺  
有歸鴈北來無故人却思陪宴處迴望與天隣

寄贈許璋集作瑞少府 前人

若說君高道何人更得如公庭唯樹石生計是琴書詩句  
峭無敵文才清有餘不知尺水內爭滯北溟魚

寄雍陶先輩 前人

知音杳何處書札寄無由獨宿月中寺相思天半集作畔樓



露凝衰草白螢度遠煙秋悵望難歸枕吟勞生夜愁

寄友人

前人

西風又開菊久客意如何舊國天涯遠清砧月夜多明時  
難際會急景易蹉跎抱玉終須獻誰言念薜蘿

書情獻知己

前人

日日恨何窮巴雲舊隱集作望空一為棲寓客三見北歸鴻  
有道期攀桂無門息轉蓬賃居將磬比乞食與僧同花月  
登臨處江山恨望中衆皆輕病驥誰肯救焦桐坐惜春還  
至愁吟夜每終谷寒思變律葉晚怯回風謁蔡慙王粲憐  
衡冀孔融深恩如尚在何處問窮通

感懷陳情

前人

恩重空感激何門誓殺身謬曾分玉石竟自困風塵陰谷  
非因爨幽叢豈望春升沉在言下應念異他人

早魚詞上苗相公

前人

似龍鱗已足唯是欠登門日裏腮猶濕泥中目未昏乞鋤  
防螿穴望水瀉金盆他日能為兩公田報此恩

將歸蜀留獻恩地僕射二首

前人

自持衡鏡採幽沉此事嘗聞曠古今危葉只將集作應終委  
地焦桐誰料却為琴蒿萊集作蓬詎報生成德犬馬空懷感  
戀心明日還家盈眼血定應回首即沾襟

二

江上長思狎釣翁此心難與昨心同自承丘嶽新恩重已

分煙霞舊隱空龍變偶因資巨浪鵬飛誰肯借高風應憐  
死節無門効冰炭集作求潛憐歎潛懷逐轉蓬

襄州獻尚書

前人

立事成功盡遠圖一方獨與萬方殊藩臣昔競師兵畧相  
國今多揖廟謨禮樂政行凋敝俗歌謠聲徹帝王都即隨  
鳳詔歸何處祇是操持造化爐

隨州獻李侍御二首

彩筆曾專造化權道尊翻向宦途閑端居有地惟栽藥靜  
坐無時不憶山德望舊懸霄漢外政聲新溢路岐間衆知  
聖主搜賢相朝夕欲徵黃霸還

二

再別未甘何處說但垂雙淚出咸秦風塵匹馬來千里蓬  
梗全家望一身舊隱每懷空竟夕秋眉不展幾經春今朝  
儻降非常顧倒屣寧惟有古人

虢州獻楊侍御二首

前人

蓋世英華更有誰賦成傳寫徧坤維各科累中求賢日苦  
節高標守郡時樓上叫雲秋鼓角林間宿鶴夜旌旗徵歸  
詔下應非久德望人情在鳳池

二

碧山曾共惜分陰暗學相如賦上林到此敢踰千里恨歸  
家且遂十年心疎愚只却膺門險淺薄爭窺孔室深一顧  
儻憐持苦節更令何處問升沉

贈金州姚合郎中

項斯

為郎名更重，領郡是蹉跎。官筆題詩盡，衙庭看鶴多。城池連竹塹，離落帶椒坡。未學旌旂閑，遊觸處過。

寄江南親故

前人

古巷槐花合，秋多晝掩扉。猶存過江馬，強拂看花衣。送客身先醉，尋僧晚未歸。龍鍾易惆悵，莫遣寄書稀。

獻令狐相公時相公郊壇行事迴 前人

鶚在卿雲冰在壺，代天才業本訐謨。榮同伊陟傳朱戶，秀比王商入畫圖。昨夜星辰回劔履，前年風月滿江湖。不知機務時多暇，還許詩家屬和無。

贈越客

趙嘏

故園波濤隔，明時心久留。獻書雙闕晚，看月五陵秋。南棹何當返，長江憶共遊。定知釣魚伴，相望在汀洲。

贈李秘書

前人

東帶臨

一作隨

風氣調新孔，門才業獨誰。倫杉松韻冷

一作靜

雪溪暗鸞鶴，勢高天路春。羨玉韞來休，問價芳枝攀。去正無塵莫，將芸閣經科第。須作人間一作詞場第一人。

寄歸

前人

三年踏盡化衣塵，只在

又文集作見

長安不見春馬過，雪街天

未曙鄉迷關路，淚空頻。桃花塢接啼猿樹，野竹庭通畫鷁津。早晚相酬身事了，水邊歸去一閑人。一作雲樹

迴於道中寄舒州李正相公

前人

都無鄙吝隔塵埃昨日丘門避席來靜語乍臨清廟瑟披  
風如在九層臺幾煩命妓浮溪棹再一作許論詩注酒杯  
從此微誠知感戀七真臺上集作壇畔望三台

舒州獻李相公

前人

野人留得五湖船丞相興歌郡國年醉筆倚風飄澗雪靜  
襟披月坐樓天鶴歸華表山河在氣返青雲雨露全聞說  
萬方思舊德一時傾望重陶甄

獻淮南李相公

前人

傳巖高靜見台星廟峇當時討不庭萬里有雲歸碧落百  
川無浪到滄溟軍中老將傳兵術江上諸侯受政經聞道  
國人思再入鎔金新鑄鶴儀形

成名年獻座主僕射蕪呈同年 前人

拂煙披月羽毛新千里初辭九陌塵曾失玄珠求罔象不  
將雙耳負伶倫賈嵩詞賦相如手楊乘歌篇李白身除却  
今年仙侶外堂堂又見兩三春

歲暮江軒寄盧端公

積水生高浪長風自比時萬艘俱擁棹上客獨吟詩路以  
重湖阻心將小謝期渚雲愁正斷江鴈重驚悲笑憶遊星  
子歌尋罷貴池夢來孤島在醉醒百憂隨戍迴煙生晚江  
寒鳥過遲問山樵者對經雨釣船移敢嘆今留滯猶勝曩  
別離醉從陶令得善必大人知道蹇才何取恩深劍不疑  
此身同岸柳只待變寒枝

杼懷上欽州盧中丞宣州杜侍御 前人

東來珠履與旌旗前者登朝亦一時竹馬迎呼逢稚子  
柘臺長告見男兒花飄舞袖樓相倚角送歸軒客盡隨  
獨有賤夫懷感激十年兩地負恩知

山陽常中丞罷郡因獻 前人

笙歌只是舊笙歌腸斷風流奈別何照物二年春色在  
感恩千室淚痕多盡將魂夢隨西去猶望旌旗暫一過  
今日罇前無限思萬重雲月隔煙波

山陽即席獻裴中丞 前人

早年天上見清塵今日樓中醉一春暫肯剖符臨水石  
幾曾焚筆動星辰瓊臺雪映迢迢鶴蓬島波橫浩浩津  
好是

仙家羽衣便欲教垂涕問何人

西峯即事獻沈大夫 前人

松竹閑遊道路身衣襟落盡往來塵山連謝宅餘霞在  
水映一作琴鷄疑作舊浪春拂榻從容今有地酬恩寂寞久  
無人安知不及屠沽者曾對青萍淚滿巾

杜陵貽杜牧侍御 前人

紫陌塵多不可尋南溪酒熟一披襟山高晝枕石床隱  
泉落夜窓煙樹深白首尋人嗟問計青雲無路覓知音  
唯君懷抱安如水他日門牆許醉吟

下第後上李中丞 前人

落第逢人慟哭初平生志業欲何如髮毛洒盡一枝桂  
淚

血滴來千里書谷外風高摧羽翮江邊春在憶樵漁唯應  
感激知恩地不待功成死有餘

荆東贈李副使員外

前人

妙盡戎機佐上台少年清苦自霜臺馬嘶深竹閑宜貴花  
拂朱衣美稱才早入半緣分務重晚吟多是看山迴名高  
漸少翻飛伴幾度煙霄獨去來

寄淮南幕中劉員外

前人

郎官何遜最風流愛月憐山不下樓三佐戎旃換朱紱一  
辭蘭省見清秋桂生巖石本瀟灑鶴到煙空更自由休向  
西齋久閑卧滿朝傾蓋是依劉

宛陵寓居上沈大夫二首

前人

滿耳謠諠滿眼山宛隣城郭翠微間人情已覺春長在溪  
戶仍將水共閑曉色入樓紅藹藹夜深尋砌碧潺潺幽雲  
高鳥俱無事乾畔西峰醉客還

二

溪樹參差綠可攀謝家雲水滿東山能忘天上他年貴來  
結林中一日閑醉吓玉盤歌裊裊煖鳴幽澗鳥關關觥籌  
不盡須歸去路在春風縹緲間

淮信賀滕邁台州

前人

凋瘵民思太古風上賢緩緝副宸衷舟移清鏡禹祠北路  
轉翠屏天姥東旆旆影前橫竹馬詠歌聲裏樂樵童遙知  
到郡滄波晏三鳥離離一望中

獻秘書元少監

前篇作三像酬元秘  
監見二百三十八卷

前人

薛廷範從事自宣城至因贈

前人

少年從事霍嫖姚來自楓林度柳橋  
金管別筵樓灼灼玉溪回首馬瀟瀟  
清風氣調真君輩知己風流滿聖朝  
獨有故人愁欲死晚簷疎雨動空瓢

寄潯陽趙校書

前人

簾下秋江夜影空倚樓人在月明中  
不將行止問朝列唯脫衣裳與釣翁  
幾處別巢悲去燕十年回首送歸鴻  
那應更結廬山杜見說心閑勝遠公

贈李從貴

前人

白馬嘶風何處還鞭稍拂地看南山  
珠簾捲盡不回首春

色欲闌休閉關花外鳥歸殘雨暮竹  
道人語夕陽閑知君舊隱高雲下巖  
桂從今幾更攀

下第寄宣城幕中諸公

前人

一醉曾將萬事齊暫陪歡去便如泥  
黃花李白墓前草碧浪桓爨宅後溪  
九月霜中隨計吏十年江上灌春畦  
莫言春盡不惆悵自有閑眠到日西

贈陳正字

前人

魯儒今日意何如名挂春官選籍初  
野艇幾曾尋水去故山從此與雲疎  
吟憐受露花陰足行覺嘶風馬力餘  
聞說晚心心更靜竹間依舊卧看書

洞庭寄所思

前人

目斷蘭臺空望歸錦衾香冷夢來稀書中自報刀頭約天  
上三看破鏡飛孤浪謾疑紅臉笑輕雲忽似舞羅衣遙知  
不語坐相憶寂寞洞房寒燭微

代人贈杜牧侍御

宣州會中

前人

郎作東臺御史時妾長西望歛雙眉一從詔下人皆羨豈  
料恩衰不自知高闕如天縈曉夢華筵似水隔秋期坐來  
情態猶無限更向樓前舞柘枝

寄遠

禁鍾聲盡見樓禽關塞迢迢故國心無限春秋莫相問落  
花流水洞房深

冬日寄河中楊少尹

馬戴

洪河岸木衰城下渡凌漸年長從公懶天寒人府遲家山  
登幾徧衛闕赴何時心誰識應多謁舜祠

到山寄部妙外

前人

朝與城闕別暮同麋鹿歸鳥鳴松觀靜人過石橋稀木葉  
搖山翠泉聲入澗扉敢招仙曙客暫此拂朝衣

寄金州姚使君員外

前人

老懷清淨化乞去守洵陽廢井人應滿空林虎自藏迸泉  
踈石窺誤殘雨發椒香山缺通巴峽江流帶楚檣憂農生  
野思禱廟結雲裝覆局松移影聽琴月墮光鳥鳴開郡印  
僧去置禪床罷貢金休鑿凌寒筍更長退公披鶴氅高步  
隔鶴行相見朱門內麾幢拂曙霜



夕發邠州寧寄舒從事

前人

半酣走馬別別後鎖邊城日落月未上鳥栖人獨行方馳  
故國戀復愴長年情入夜不能息何當開此生

贈比客

前人

君生遊俠地感激氣何高飲盡玉壺酒贈留金錯刀鴈關  
飛霰雪鯨海落雲濤決去如征鳥離心空自勞

長安寓居寄賈島

前人

歲暮見華髮平生志半空孤雲不我棄歸隱與誰同枉羨  
紫宸竭一作竭妨栽丹桂叢何如隨野鹿栖止在林中

贈別江客

前人

湘中有岑穴君坐桂帆過露細蒹葭廣潮迴島嶼多汀州

迴夕照楓葉隨寒波應便同漁

疑作隱

生涯許釣歌

贈楊之梁先輩

前人

平生閑放久野鹿許為群居止隣西嶽軒窓度白雲齋心  
飯松子話道接茅君漢主方清淨休書諫獵文

贈鄆縣尉李先輩二首

前人

同人家鄆杜相見罷官時野坐苔生石荒居菊入籬聽蟬  
臨水久送鶴背山遲未擬還城闕溪僧別有期

二

休官不到闕求靜匪營他種藥唯愁晚看雲肯厭多渚邊  
逢鷺下林表伴僧過閑檢仙方試松花酒自和

贈祠部令狐郎中

前人

官初執憲稱雄才省轉為郎雅望推待制松陰移玉殿分  
霄露氣靜天臺筭基默向孤雲坐隨鶴閑窮片水迴忽憶  
十年相識日小儒新自海邊來

文苑英華卷第二百六十三

文苑英華卷第二百六十四

詩一百十四

寄贈十八

薛能十首

李頻七首

劉駕二首

皮日休三首

陸龜蒙四首

許棠六首

聶夷中三首

司空圖四首

鄭谷二十七首

杜荀鶴六首

周朴十一首

贈禪師

已見二百二十四卷

薛能

寄李頻

前人

長安千萬蹊迷者自多迷性直

集作身難達良時日易低

文苑英華 卷一百一十四  
環簷消暑雪晴氣滿春泥那得君同去遙峯苦愛齊

贈苗端公二首

前人

繁總近何如君才必有餘身歡步兵酒吏寫魯連書坐默  
聞輦吹庭班見雪初沉碑若果去一為訪鄰居

二

至老不相踈斯言不是虛兩心宜一體同舍又鄰居曉角  
秋砧外清雲白月初從軍何有用未造魯連書

麟東寓居寄蒲中友人

前人

蕭條秋兩地獨院且同羣一夜驚為客多年不見君邊心  
生落日鄉思羨歸雲更在相思處子規燈下聞

寄河南鄭侍郎

前人

三峽與三壕門闌去夢勞細冰和洛水初雪洒嵩高大  
何由接日疑微榮已逃寒窓不可寐風地葉搔搔

獻僕射相公

前人

清如水玉重如山百辟嚴趨禮絕攀強虜外聞須一作應破  
膽平人長說一作見盡開顏朝廷有道青春好門館無私白

日閑致邛垂衣更何事幾多詩句定一作合關關一作皆百

蒙恩除侍御史行次華州寄蔣相

前人

林下天書起遁逃不堪移疾入塵勞黃河近岸陰風急仙  
掌臨關旭日高行野衆喧聞鴈發宿亭孤寂有狼嗥荀家  
位極兼禪理應笑埋輪著所操

寄唐州揚郎中

前人

關雎憔悴一儒生忽把魚鬚事聖明貧得俸錢還乍喜曉  
登朝序却無榮前年坐蜀同樽俎此日邊淮獨旆旌班列  
道孤君不見曲江春暖共僧行

塞上蒙汝州任中丞寄書

前人

三省推賢兩掖才關東深許稍遲迴舟浮汝水通淮去兩  
出嵩峰到郡來投札轉京憂不遠枉緘經虜喜初開西樓  
一望知無極更與何人把酒盃

長安投邢員外

李頻

所學近彫蟲知難望至公徒隨衆人後擬老一生中間歲  
家書到經營世業空心懸滄海闊夢去白雲通玉漏聲連  
北銀河氣極東關門迢遞月禁苑沉寥鴻地廣身難踟躕

平道獨窮蕭條苔長雨浙瀝葉從風久怯干朝客長愁別  
釣翁拜投何忽敢言獎爲曾蒙舉善如無替垂恩本有終  
霜天搖落日莫使逐飄蓬

秋日江上思歸山中友人

前人

蕭條對秋色相憶在雲泉木落病身起潮平歸思懸涼鐘  
山頂寺暝色渡頭船此地非吾土淹留又一年

贈喻坦之

前人

從容心自別飲水勝銜杯共在山中長相隨闕下來脩身  
空有道取事疑作各無媒不信清平日終遺草野才

富春贈孫路

前人

天柱與天日曾把疑絕頂房青雲求祿晚白日坐家長井

氣通潮信窓風引海涼平生詩稱在老達亦何妨

江上居寄山中客

前人

山後與山前相思隔叫猿殘雲收樹末返照落江源苦雨  
秋濤漲狂風猛火翻朝來賣藥客遇我達君言

下第後屏居書懷寄張侍御

前人

刑足豈一生良工隔千里故山彭澤上歸夢向汾水低催  
神氣盡僮僕心亦恥未達誰不知達者多忘此行年忽已  
壯去老年更幾功名如不彰身歿豈爲鬼總看芳草歇卽  
歎涼風起驄馬未來朝嘶聲尚在耳

寄遠

前人

槐欲成陰分袂時君期十日復金扉槐今落葉已將盡君

尚遠鄉猶未歸化石早而官聞節婦沉湘何必獨靈妃須知  
此意同生死不學他人空寄衣

琪樹下因吟六韻呈先達者

劉駕

舉世愛嘉樹此樹何人識青疑秋遠山意偶向亭際得奇

柯交若鬪世業

二字疑

密如織塵中尚青蔥更想塵外色所

宜巢三鳥影入瑤池碧移根豈無時一問紫烟客

長安抒懷寄知己

前人

岐路不在地馬蹄徒苦辛上國聞姓名不如山中火宅  
滿六街此身入誰門愁心日散亂又似空中塵白露下長  
安百蟲鳴草根况當秋賦日却憶歸山村靜女頭欲白良  
媒况我鄰無令苦長嘆長嘆銷人魂

宏詞下第感恩獻兵部侍郎 皮日休

分明仙籍列清虛自是還丹九轉疎  
畫虎已成翻類狗登龍  
纒變卽爲魚空慙季布千金諾  
但負劉弘一紙書猶有報恩方寸在  
不知通塞竟何如

夏日獨處寄魯望 前人

幽慵不覺耗年光犀柄金徽亂一床  
野客共爲賒酒計家人同作借書忙  
園蔬預遣分僧料廩粟先教算學糧  
無限高情好風月不妨猶得事吾王

吳中書事寄漢南裴尚書 前人

萬家無事鎖蘭橈  
鄉味腥多厭紫薑  
江文通云石劫也  
水似棊文交度郭柳如行陣  
松陵集作障  
儼然遮橋青梅蒂  
重初迎雨白鷗

群高欲避潮唯望舊知憐此景  
松陵集作意  
得爲傖鬼也逍遙

贈遠 陸龜蒙

茱萸匣中鏡欲照心還懶  
本是細腰人別來羅帶緩  
從君出門後不奏雲和管  
妾思冷如簧時時望君  
煖心期夢中見路永  
寃夢短怨生泣西風秋  
牕月華滿

寄淮南竇一作鄭書記 前人

記室千年翰墨孤唯君才力學  
一作學  
似應徐五丁驅得神功盡  
二酉搜來秘檢疎  
煬帝帆檣留澤國淮王牋奏入班書  
清詞醉草無人見但釣寒江半尺魚  
一作鱸

曉起卽事因成回文五十六言寄皮日休先輩

前人

平波送

一作落

月吟閑境

一作影

暗幌浮烟思起人清露曉垂

花謝半遠風微動蕙抽新城荒上處樵童小石蘚分來宿

鷺馴晴寺野尋同去好古碑苔字細書勻

寄吳子華

前人

一夜秋聲入井桐數枝微葉怕西風霏霏晚砌烟葉

疑上

浙浙疎簾雨欲通君整輪蹄名未了我依雲鶴病相攻到

頭江畔從漁事織作中流萬疋蒞

旅次滑臺投獻陸侍御

許棠

已是愁來日堪驚却背秦天遙三楚樹路遠兩阿人旅夢

難歸隱吟竟不在身霜臺歌豸次賴許信來頻

寄趙能卿

前人

我命同君命君詩似我詩俱無中道計各失半生期素業

滄江遠青時白髮垂蹉跎一如此何處卜棲遲

隴州旅舍書事寄李中丞

前人

三伏客吟過長安未擬還蛩驚秋不動燕別思仍閑亂葉

隨寒雨孤蟬起暮關經時高枕外來往旆旌間

寄黔南李校書

前人

從戎巫峽外吟興更應多郡響蠻江漲山昏蜀雨過公筵

饒越客俗土尚巴歌中夜懷吳夢知驚灩澦波

寄塾屋薛能少府

前人

滿縣唯雲水何曾似近畿曉庭禽集慣寒曙吏衙稀水色

封深澗樵聲在翠微時聞迎隱者依舊着山衣

寄睦州侯郎中

前人

下國多高趣終年半是吟潮濤通越分部伍雜閩音曉郭  
雲藏市春山鳥讓林東浮雖未遂日日至中心

住京寄同志

聶夷先

在京如在道日日先集作夜雞起不離十二街日行一百

里役役大塊上周朝復秦市貴賤與賢愚古今同一軌白  
兔落天西赤鷗飛海底一日復一日日日無終始自嫌性  
如石不達榮辱理試問九十翁吾今尚如此

贈農

前人

勸爾勤耕田盈爾倉中粟勸爾無伐桑減爾身上服清霜  
一委地萬草色不綠狂風一飄林萬葉不着木青春如

耕何以自拘束

客有進嘆後時者作詩勉之

前人

後達多晚榮速得多疾傾君看構大廈何曾一日成在暖  
須在桑在飽須在耕君子貴弘道道弘無不亨太陽垂好  
光毛髮悉見形我亦二十年直似戴盆行荆山產美玉石  
石皆堅貞未必盡有玉玉且間石生精衛一微物猶恐填  
海平

長安贈王注

司空圖

正下搜賢詔多君獨避名客來當意愜花發遇歌成樂地  
留高趣權門讓後生東方御閑駟園外好同行

贈疑步寄李員外

前人



危橋轉溪路經雨石叢荒幽瀑下仙果孤巢懸夕陽病癖  
青瑣秘心在紫芝房更喜諧招隱詩家有望郎

寄鄭仁規

前人

清才鄭小戎標的貴遊中萬里雲無侶三山鶴不籠香和  
丹地煖晚着綵衣風榮路期經濟唯應在至公

寄考功王員外

前人

喜聞三字耗閑客是陪遊白鳥閒踈索青山日滯留琴如  
高韻稱詩愧逸才酬更勉匡君志論思在獻謀

巴賈旅寓寄朝中從叔

鄭谷

驚秋思浩然信美向巴天獨倚臨江樹初聞落日蟬衰榮  
悲往事漂泊念多年未便甘休去吾宗盡見憐

以下二十六篇並見集本

寄題方干處士

前人

山雪照湖水漾舟湖畔歸松篁調遠籟臺榭發清輝野岫  
分開徑漁家並掩扉暮年詩力在新句更幽微

寄獻湖州從叔員外

前人

顧渚山邊郡溪將菴盡通遠看城郭裏一作外全在水雲

中西閣歸何晚東吳興未窮茶香紫笋露洲迥白蘋風歌  
緩眉低翠杯明蠟剪紅政成尋往事輟棹問漁翁

寄膳部李郎中

前人

鄆郊陪野步早歲偶因詩自後吟新句長愁減舊知靜燈  
微落燼寒硯旋生澌夜夜冥搜苦那能鬢不衰

文苑英華 卷一百一十四  
寄贈孫路處士

前人

平生詩譽更誰過  
歸老東吳命若何  
知己彫零垂白髮  
故園寥落近滄波  
酒醒蘇砌花陰轉  
病起漁舟鷺迹多  
深入富春人不見  
閑門空掩半庭莎

贈日東鑿禪師 已見二百二十四卷

前人

寄前水部賈員外

前人

謝病別文昌  
仙舟向越鄉  
貴為金馬客  
雅稱水曹郎  
白鷺同孤潔  
清波共渺茫  
相如辭賦外  
騷雅趣何長

贈文士王雄

前人

知己竟集作更何人  
夫君尚苦辛  
圖書長在手  
文學老於身  
公道天難廢  
貞姿玉任貞  
小齋松菊靜  
願卜子為鄰

寄南浦謫官

前人

多才翻得罪  
天末抱窮憂  
白首為遷客  
青山送萬州  
醉歌梅障曉  
歌厭竹枝秋  
望闕懷鄉淚  
荆江水共流

寄同年禮部趙郎中

前人

仙步徐徐整羽衣  
小儀澄淡轉中儀  
樺飄紅燼趨朝路  
蘭縱清香宿省時  
彩筆烟霞供不足  
綸一作粉闈鸞鳳訝來遲

自憐孤宦誰相念  
祝禱空吟一作憑一首詩

寄贈楊夔處士 已見二百三十一卷

前人

寄碁客

前人

松窓楸局穩  
相顧思皆凝  
幾局賭山果  
一先饒海僧  
覆圖聞夜雨  
下子對秋燈  
何日無羈束  
期君向杜陵

寄察院李御史

前人

古栢間松篁清陰在印牀宿郊虔點饌秋寺靜監香參集  
行多揖一作風儀見卽莊佇聞橫臂去惟集諫書囊

贈富平李華

集作宰

前人

夫君清且貧琴鶴最相親簡肅諸曹事安閑一境人陵山  
雲裏拜渠路雨中巡易得連宵醉千缸石凍春

偶懷寄臺院孫端公

前人

才拙道仍孤無何捨釣徒班雖超玉笋香不近金爐雨露  
瞻雙闕烟波隔五湖唯君應見念曾共伏一作青蒲

丞相孟夏禮

集作祇

薦南郊紀獻十韻

前人

節應清和後郊宮事潔羞至誠聞上帝明德祀園丘雅用

陶勳器馨非黍稷流就陽陳盛禮匡國稱集作禱鴻休漸沈

蘭凝露微涼麥弄秋壽山橫紫閣瑞靄抱皇州外肅通班

序中懷納誓憂

集作中嚴

升

集作奏

歌三酒備表敬百神柔

池碧將還鳳原清再問牛萬方瞻輔翊共賀贊王猷

李夷遇侍御久滯水鄉因抒寄懷

前人

暮豸年何久懸帆興甚長江流愛吳越詩格愈齊梁竹寺

清陰

集作吟

遠蘭舟晚

集作晚

泊香高閑徒自任華省待爲郎

寄贈藍田韋少府先輩

前人

王畿第一縣縣尉是詞人館殿非初意圖書是舊貧破水

泉竇響賽雪廟松春自此升通籍清華日逼集作近身

聞所知遊樊州有寄

前人

誰無泉石趣朝下少同過貪勝覺程近愛閑經宿多片沙  
留白鳥高水引青蘿醉把漁竿去殷勤籍岸莎

久不得張喬消息有寄

前人

天末去程孤泂淮復向吳亂離何處甚安穩到家無樹盡  
雲垂野檣稀月滿湖傷心送村路應少舊耕夫

九日偶懷寄左省張起居

前人

令節爭歡我獨閑荒臺盡日向晴山渾無酒泛金英菊漫  
道官趨玉笋斑深愧青莎迎野步不堪紅葉照衰顏羨君  
官重多吟興醉帶天坡集作朱坡落照還

獻制誥楊舍人

前人

為郡東吳只飲冰瑣闥須降詔鳳一作書徵隨行已有朱衣  
吏伴直多招紫閣僧窓下調琴鳴遠水簾前睡鶴背秋燈  
葦坡竹塢情無限閑話一作語毗陵問杜陵

獻大京兆薛常侍

前人

恥將官職一作業競前途自愛篇章古不如一炷香新開道  
院數坊人靜一作聚避朝車縱遊籍草花垂酒閑臥臨窓燕  
拂書堆有明公賞新句秋風不敢憶鱸魚

為戶部李郎中與令季端公寓止渠州泝江寺偶

作寄獻

前人

退居蕭洒寄禪關高挂朝簪淨室間孤島暫集作雖留雙鶴  
歇五雲爭放一龍閑輕舟共泛花邊水野履同登竹外山

仙署金閨虛位久夜清應夢近天顏

賀新除左省韋拾遺

前人

初昇諫署是真仙浪透桃花十五年垂白郎官居坐末着  
緋人吏立堦前百僚班定趨丹陛兩腋風清上碧天從此  
追飛何處去金鸞殿與玉堂連

寄職方李員外

前人

曾袖篇章謁長卿今來隨

集作附

鳳事何榮星臨南省陪仙

步春滿東朝接珮聲

員外稱儲官官谷  
忝復攀接集作附

談笑不拘先後禮

歲寒仍與

集作  
笑

子孫情龍墀仗下天街暖共看圭峯並馬

行

寄顧雲

杜荀鶴

省得前年別蘋洲旅館中亂離身不定彼此信難通侯國

兵雖斂吾鄉業已空秋來憶君夢夜夜逐征鴻

下第後寄池州鄭員外

前人

省得

集作  
出

蓬蒿修謁初蒙知曾不見生疎侯門數處將書

薦帝里經年借宅居未必有詩堪諷誦只憐無援過吹噓

而

集作  
如

今足得成持取莫使江湖却釣魚

贈漣水崔少府

前人

庭戶蕭條燕雀喧日高窓下枕書眠只聞留客教沽酒未

省逢人說料錢洞口禮星披鶴氅溪頭吟月上漁船九華

山叟心相許不計官資

集作  
贈一篇

贈李鐔

鐔自維陽避  
亂東入中山

前人

君行君文天合知見君於此我傷集作悲祗殘三口兵戈  
後總到孤村雨雪時着臥衣裳難辨洗旋求梁食莫供炊  
地爐不煖柴枝濕猶把蒙求授小兒

贈僧已見二百二十四卷

前人

宿樂城却寄長山張書記

前人

一更更盡到三更吟破離心句不成數樹秋風滿庭月憶  
君時復下階行

寄處士方干

周朴

桐廬江水閑終日對柴關因想別離處不知多少山釣舟  
春岸泊庭樹晚鷺還莫便求栖隱桂枝堪恨顏

寄塞北張符

前人

隴樹塞風吹遼城角幾枝霜疑無暫歇君貌莫應衰萬里  
平沙際一行邊鴈移那堪朔烟起家信正相離

次梧州却寄永州使君

前人

隨風一作雲身不定今夜在蒼梧客淚有時有猿聲無處無  
潮添瘴海闊烟拂太山孤却憶零陵住吟詩半玉壺

贈念經僧

前人

庵前古折碑夜靜念經時月皎海霞散露濃山草垂鬼聞  
拋故塚禽聽離寒枝想得天花墜馨香拂白眉

春日遊北園寄韓侍郎

前人

灼灼春園晚色分露珠千點映寒雲多情舞蝶穿花去解  
語流鶯隔水聞冷酒盃中宜泛灩暖風林下自氛氲仙桃

不肯全開折應借餘芳待使君

贈太偽和尚

前人

太偽清復深萬像影沉沉有客衣多毳空門偈勝金玉侯  
皆作禮陸子只來吟我問師心處師言無處心

秋夜不寐寄崔溫進士

前人

愁多難得寐展轉讀書床不是旅人病豈知秋夜長歸鄉  
憑遠夢無夢更思鄉枕上移窓月分明是淚光

春中途中寄南巴崔使君

前人

旅人遊汲汲春氣又融融農事蛙聲裏歸程草色中獨慙  
出穀雨未變暖天風子玉和予去應憐恨不窮

喜賀拔先輩衡陽徐正字

前人

黃紙晴空墜一緘聖朝恩澤洗冤讒李膺門客爲閑客  
福官銜改舊銜名自石渠書典籍香從芸閣着衣衫  
不用憂天旱霖雨看看屬傅巖

客州賃居寄蕭郎中

前人

松店茅軒向水開東頭舍賃一徘徊窓吟苦爲秋江靜枕  
夢驚因曉角催鄰舍見愁除酒與主人知去索錢來眼看  
白筆爲霖雨肯使紅麟便曬腮

贈李裕先輩

前人

曉擎弓箭入初場一發曾穿百步楊仙籍舊題前進士聖  
朝新奏校書郎馬疑金馬門前馬香認芸香閣上香閑伴  
李膺紅燭下慢吟絲竹淺飛觴

文苑英華卷第二百六十四

文苑英華卷第二百六十五

詩一百十五

寄贈十九

韓琮二首

羅鄴四首

高極一首

喻坦之三首

張喬八首

王貞白二首

黃韜六首

張蠙六首

楊夔一首

羅隱十七首

王輟一首

曹松二首

唐彥謙六首

裴說五首

沈顏一首

李山甫一首

晚春江晴寄友人

韓琮



晚日低霞綺晴山遠盡眉春青絕句詩選河畔草不是望  
鄉時

秋晚信州推院親友或責無書即事寄答 前人

宮信安仁拙書非叔夜慵謬馳騾馬傳難附鯉魚封萬里  
勞何補千年運忝逢不量橫草力虛慕入雲蹤潔水空澄  
鑑持鉛亦礪鋒月寒深夜挂霜凜近秋松憲摘無逃魏寬  
申得夢馮問貍將挾虎織蠱敢虞蜂商吹移砧調春華改  
鏡容歸期方晚積愁思暮山重仙鼠猶驚燕莎鷄欲變蛩  
唯應碧湘浦雲落及芙蓉

聞友人入越幕因寄之 羅剎

稽領春生酒凍銷煙鬟舊袖恃嬌嬈峰邊聚雪晴香老波

上長虹晚影搖正哭阮途歸未得更聞江筆赴嘉招人問  
榮悴真堪恨坐想征軒鬢未凋

途中寄友人 前人

秋庭悵望別君初折柳分襟十載餘相見或因中夜夢寄  
來多是隔年書携樽座外花空老垂釣江頭柳漸疎裁得  
詩憑千里鴈吟來寧不憶吾廬

赴職單于留獻所知 前人

職忝翩翩逐建牙笈隨征騎入胡沙定將千里書憑鴈應  
看三春雪似花年長有心終報國時清到處便營家逢秋  
不擬同張翰爲憶鱸魚却嘆嗟

下第書懷寄友人 前人

清世誰能辨陸沉相逢休作憶山吟若教仙桂在平地更有何人肯苦心去國漢妃還似王亡家石氏豈無金且安懷抱休惆悵琴瑟調高樽酒深

及第後贈試官

高極

公子求賢未識真欲將毛遂比常倫當時不及三千客今日如何十九人

陳情謹獻中丞

喻坦之

孤拙竟何營徒希折桂名始終誰肯薦得失自難明貢乏雄文獻歸無瘠土耕滄江長發夢紫陌久慙行意縱求知切才唯懼鑿精五言非琢玉十載看遷鶯進取心其鈍傷嗟骨每驚塵襟痕積淚客髮已白新莖顧聆身慙教吹簫刺

覺坐依門情轉切荷德力須傾無大善猶憐貢垂恩必不輕從茲便提挈雲路自生榮

寄華陰姚少府

前人

秦華當公署為官興可知硯和青靄凍簾對白雲垂峻掌光浮日危蓮影入池料於三考內應惜德音移

晚泊富春寄友人

前人

江鍾寒夕微江鳥望巢飛木落山城出潮生海棹歸獨吟霜島月誰寄雪天衣此別三十里關西信更稀

劉補闕自九華山拜官因以寄獻

張喬

冥鴻夕不群徵拜動天文地主迎過郡山僧送出雲登車殘月在宿館亂離分若更思林下還須共致君

寄南中友人

前人

相夢如相見相思去後頻舊時行處斷華髮別來新浪動  
三湘月煙藏五嶺春又無歸北客書札寄何人

寄績溪陳明府

前人

古邑猿聲裏空城只半存岸移無舊路沙漲別成村鼓角  
喧京口山江盡汝濱六朝興廢地行子一銷魂

寄處士梁燭

前人

賢哉君子風誦與古人同採藥楚雲裏移家湘水東星霜  
秋野闊雨雹夜山空早晚相招隱深耕老此中

贈進士顧雲

前人

潮檻煙波別釣津西京相似荻洲貧不知守道歸何日相

對無言盡幾春晴景遠山花外暮疑雲邊如高蓋水邊蘋

與君愁寂無消處除酒清門送楚人

城南寓君寄知己

前人

花木閑門苔蘚生漣川特去得吟情病來又絕洞庭信年  
長却思廬岳耕落日獨歸林下宿暮雲多遶水邊行干時  
退出長如此頻愧相憂道姓名

贈友人

前人

自說安貧歸未能行邊門掩小池水典琴除酒吟過寺送  
客思鄉上灞陵待月夜留煙島客憶雲閑話翠微僧幾時  
獻了相如賦共向嵩山採茯苓

九霄無詔下何事觸青塵宅帶松蘿僻田惟猿鳥親吟看  
仙掌月期有洞庭人莫問煙霞句懸知見岳神

秋日旅懷寄右省鄭拾遺

王貞白

未夕愁不寐草虫喧客庭半窓分曉月當枕落殘星鬢髮  
遊梁白家山近越青知音在諫省苦調有誰聽

贈劉凝評事

前人

棘寺官初罷梁園靜掩扉春深顏子巷花映老萊衣談史  
曾無帶攻書已造微即膺新寵命稱慶向庭闈

寄鄭縣李侍郎

黃滔

古縣新煙火東西入客詩靜如長暇日貧更似閑時僧借  
松蘿住人將雨雪期三年一官罷岳石看成碑

贈李補闕

前人

曾史蜀琴旁陶然舉一觴夕陽明島嶼秋水淺池塘世亂  
憐官替家貧值歲荒前峯亦曾宿知有辟寒方

寄敷水盧校書

前人

諫省垂清論仙曹豈久臨雖專良史業未畏直臣心路入  
丹霄近家藏華嶽深還如韓吏部誰不望知音

贈明州霍員外

前人

惠化如施雨隣州亦可依正衙無吏近高會覺人稀海日  
旗邊出沙禽角外歸四明多隱客閑約到巖扉

寄獻梓桐山侯侍郎

前人

漢宮行廟畧簪笏落人間直道三湘水高情四皓山賜衣

僧脫去表奏主批還地得松蘿塢泉通雨雪灣東門添故事南省缺新班時有新命不赴片石秋從露幽窓夜不關夢餘蟾隱映吟次鳥綿蠻可惜相如作當時事悉閑

寄刑部盧員外

前人

誰識在官意開門樹色間尋幽頻宿寺乞假擬遊山半白侵吟鬢微紅見藥顏不知今夜月幾客得同閑

員曹郎中

張贇

所作高前古封章自由臺細看明主意終用出人才省印尋僧鎖書樓領鶴開南山有舊友時向白雲來

亂中寄友人

前人

別來難覓信何處避艱危鬢黑無多日塵清是幾時人情

將厭武王澤即興詩若便懷深隱還應聖主知

寄友人

前人

戀道欲何如東西遠索居長疑即見面翻致久無書旬麥深藏雉淮苔淺露魚相思不我會明月屢盈虛

贈別山友

前人

從容無限意不獨為離群年長驚黃葉時清見白雲舊山迴馬見寒瀑別家聞相與存吾道窮通各自分

別後寄友生

詩選作人

前人

詩選作崔魯

上馬如飛鳥飄然隔去塵共看今夜月獨作異鄉人就養江田孰移居井賦新襄陽曾卜隱應與子雲家隣

途次續溪先寄陳明府

前人

入境風煙好憂人不易傳新君多是客舊隱半成仙山斷  
雲衝騎溪長柳拂船何當許過縣聞有篋中篇

寄當陽袁皓明府

楊夔

高人爲縣在南京竹遶琴堂水遶城地古旣資携酒興務  
閑偏長看山情松軒待月僧同坐藥圃尋花鶴伴行百里  
甚堪留惠愛莫教空說啓恭名

投宣武鄭尚書二十韻

羅隱

漢代簪纓盛梁園雉堞雄物情須重德時論在明公族大  
踰開魏神高本降嵩世家唯蹇謬官榮即清通翰苑論思  
外綸闈嘯傲中健毫驚綵鳳高步出冥鴻履歷雖吾道行  
藏必聖聰絳霄無繫滯浙水忽西東庾監高樓月袁郎滿

翫風四年將故事兩地有全功去去才須展行行道益隆  
避權辭憲署伏節出南宮鴈影相承接龍圖共始終自然  
須作礪不必恨臨戎幕下蓮花盛竿頭禪佩紅騎兒逢郭  
伋戰疑士得文翁人地應無比簞瓢柰屢空因思一枝桂  
已作斷根蓬往事應歸捷勞歌且責躬殷勤信陵館今日  
自途窮

投浙東王大夫二十韻

前人

越嶺千峯秀淮流一派長暫憑開物手來展濟時方舊跡  
蘭亭在高風桂樹香地清無等級天闊任徊翔塵尾譚何  
勝螭頭筆更狂直魯批鳳詔高已冠鸚行嘯傲辭民部雍  
容出帝鄉趙堯推印綬勾踐與封疆水占仙人吹城留御

史牀嘉兵鄒潤甫百姓賀知章席煖飛鸚鵡塵輕駐驕驪  
夜歌珠斷續晴舞雪悠揚化向棠陰布春隨棣萼芳盛名  
韜不得雄畧悔彌彰自愧三冬學未窺數仞墻感深唯刻  
骨時去欲沾裳相望魚燒尾咨嗟鼠齧腸可能因蹇拙便  
合老滄浪題柱心猶壯移山志未忘深慙百般病今日問  
醫王

投寄常左

一作丞

前人

赤壁徵文聘中臺拜却詵班資參令僕曹署轄星辰幙被  
從誰起持綱自此新舉明朝典數封納詔書頻禁樹曾檮  
藻臺鳥舊避塵便應訓倚注何處活窮鱗

寄易定公乘億侍郎

侍郎有明皇再見阿蠻舞及龍池柳賦時稱冠絕也

前人

謝舞仍宮柳高竒世少雙侍中坐不到園令死須降班秩

通烏府尊壘近

集作奉

碧幢昭王有餘烈試為禱迷邦

寄侯傳玉

前人

規諫楊雄賦逶迤賈誼官又貧還往少孤立轉遷難清鏡  
流年急高懷旅舍寒侏儒亦何有飽食向長安

寄大理寺徐郎中

前人

佐棘竟誰同因思證聖中事雖亡

集作忘

顯報理合有陰功

官緒詵枝老生涯

集作幽

范甌空幾時潘好禮重與話清風

證聖中徐有功為大理少卿執法平恕鹿城主簿潘好禮著論以美之也

寄蘇拾遺

拾遺許公之後今舊第

言切

京本作言巧

前人

早歲長揚賦當年諫獵書格高時輩伏言切宦情踈慷慨  
傳丹桂艱難保舊居退朝應課草能忘集作馬相如

寄剡縣主簿

前人

金庭養真地珠篆勾稽官境勝堪長往時危喜暫安洞連  
滄海關山擁赤城寒他日拋塵土因君擬煉丹

感德叙懷寄上羅鄴王二首

集作秋日有酬

前人

盛集作舊

業傳家有寶

集作佩

刀兇

集作近

聞餘力更揮毫腰間

印佩黃金重

集作綬黃樞貴

卷裏詩裁

集作文章

白雪高宴罷嘉賓吟

鳳藻獵迴

集作歸

諸將問龍韶分茅列土

集作登壇甲子

纔二十猶

擬回頭賭錦袍

二集作寄酬鄴王羅令公

室東迴蔭赤

集作斤

丘少年承襲擁清油坐調金鼎尊

主橫把琯戈傲列侯書札二王爭巧拙篇章七子謝

集作避

風流西園舊跡今應在衰老無因奉勝遊

三

脉散源分歷幾朝縱然官宦只賓

集作甲

僚正憂末派論滄

海忽見高枝拂絳霄百

集作上

萬貔貅趨玉帳三千賓客冠

集作彌

金貂良時難得吾宗少應念衰門

京本作寒門

久

集作更

寂

寥

淮南

集作廣陵

李僕射借示近詩因有投獻

前人

朝論國計暮論兵餘力猶隨鳳藻生語繼盤盂拋俗格氣

通集作兼

河岳帶商聲閑尋綺思千花麗靜想高吟六藝

集作



義清文柄已持堯典在更堪回首向集作問緣情

寄京闕陸郎中昆仲

前人

栢臺蘭署四周旋賓榻何妨鴈影連纔見玳簪歌細柳便知油幕勝紅蓮家從入洛聲名大跡為依劉事分偏爭柰亂離人漸少麥成集作城新賦許誰傳

贈湖州集作裴郎中

前人

貴提金印出咸秦瀟洒江城兩度春一派水清疑見膽數重山翠欲留人望崇早合歸黃閣詩好何妨戀白蘋自是受恩心未足却垂雙翅羨吳筠

寄前宣州竇常侍

前人

往年西謁謝玄暉樽酒留歡醉始歸曲檻柳濃一作垂鶯未

老小園花煖集作嫩蝶初飛噴香瑞獸金三尺舞雪佳人玉

一團今日亂離尋不得滿簑風雨釣漁磯

寄徐濟

前人

往年踈懶共江湖月滿花香記得無霜厭楚蓮秋後折雨催蠻酒夜深沾紅塵偶別一作到迷前事丹桂相輕愧後圖集作徒出得函關抽得手從來不及阮元瑜

贈宣武盧從事

前人

前年帝里望集作從行塵記得仙家第四人泉煖舊諳龍偃

息露寒初見鶴精神歌聽集作聲上榻梁園晚夢遠殘鍾汜

水春知有篋中編集集作十在只應從此是經綸

贈蒼溪王明府有文在手曰長生 王穀

執手長生在人皆號地仙水雲真遂性龜鶴足一作齊年

但以酒養氣何言命在天况無婚嫁累應拍尚平肩

贈南陵李主簿

曹松

外邑官同隱寧勞短使趨看雲情自足愛酒逸應無簞席  
遺棋子衣裳惹印朱仍聞陂水近亦擬棹菰蒲

山中寒夜呈進士許棠

山中

集作寒

草堂煖寂夜有良朋讀易明

集作分

高燭煎茶取

折

集作折

冰庭垂河半角窓露月微稜俱入論心地爭無俗

者憎

書懷寄友人

沈頰

江湖勞遍尋祇自長愁襟到處慵開口何人可  
心登樓

得句遠望月杼情深却憶山齋後猿聲相伴吟

春早寄華下同人

裴說

正是花時節思君寢復興市沾終不醉春夢亦無憑岳面  
懸青雨河心走濁冰東門一條路離恨鎮相仍

贈衡山令

前人

君吟十二載

集作三十載

辛苦必能官造化猶難隱生靈豈易

謾猿跳高岳靜魚擺大江寬與我為同道相留夜話閑

南中縣令

前人

寂寥雖下邑良宰有清威苦節長如病為官豈肯肥山多  
村地狹水淺客舟稀上國搜賢急國公早晚歸

寄曹松

前人

莫見苦吟遲吟遲鬢亦絲髮班猶可樂詩病却難醫山暝  
雲橫處星稠月側時真意不可行一會至公知

贈賓貢

前人

惟君懷至業萬里信悠悠路何東影出枝來北闕求家無  
一夜夢帆掛隔年秋鬢髮爭禁得孤舟往復愁

秋霽夜吟寄友人

唐彥謙

槐柳瀟疎溽暑收商金頻伏火西流塵衣歲晚緣身賤兩  
輦更深滿背秋前事悲涼何足道遠書慵懶未能脩唯思  
待月高梧下更就東林訪惠休

賀李昌時禁苑新命

前人

玉簡金文直上清禁垣丹地閉嚴扃黃扉議政叅元化紫

殿稱觴拂壽星萬戶千門迷步武非煙非霧隔儀形塵中  
舊侶無音信知道遼東鶴姓丁

又寄

前人

振鷺翔鸞集禁闈玉堂珠樹紫風儀不知親到靈和殿張  
緒何如柳一枝

上巳日寄韓八

已見一百  
五十七卷

前人

寄蔣二十四

前人

鳥轉蜂飛日漸長  
情味  
禪門淡泊無心地世  
事生疎欲面墻  
迷迷柳色九衢風土帶花香大知

高士禁愁寂試傳

天新賜

寄懷

前人

有客傷春復  
勿亭畔草青時  
淚從紅蠟無由制  
腸比朱絃恐更危  
如風唯是笑柳因微雨不勝垂  
雙溪未去饒歸夢  
夜夜孤眠  
歌

赴舉寄別所

李山甫

腰劍囊書出戶遲  
壯心吾命兩相疑  
麻衣盡舉一雙手  
桂樹只生三十枝  
黃祖不憐鸚鵡客  
志公偏賞麒麟兒  
叔牙知我應相痛  
回首天涯寄所思

文苑英華卷第二百六十五

有客傷春復夢  
吻啼草青時  
淡從紅蠟無由制腸  
比朱絃恐更危  
紅風唯是笑柳因微雨不勝垂  
雙溪  
未去饒歸夢夜夜  
風一三歌

赴舉寄別所

李山甫

腰劍憂書出戶  
廷壯心  
書命所相疑  
麻衣盡舉一雙手  
桂  
樹只生三十枝  
黃祖不憐鸚鵡客  
志公偏賞麒麟兒  
叔  
知我應相痛  
回首天涯寄所思

文苑英華卷第二百六十五

